

Gielddaráđđehus

Áigi 26.05.2025 dmu 13:00 - 14:25

Báiki Hybridačoahkkinn, gielddadálu váldostivrasále dahje teams-heivehus

Gieddahallon áššit

§	Bajilčála	Siidu
§ 90	Čoahkkima lágalašvuohta ja mearridanváldi	3
§ 91	Beavdegirjji dárkkisteaddjiid válljen	4
§ 92	Bargoortnega dohkkeheapmi	5
§ 93	Dili birra oanehaččat	6
§ 94	Gávpenannejeaddji giddodatluohpadanalmuhusat ja gieldda ovdaoastinvuoigatvuođa geavaheapmi	7
§ 95	Gieldda ovddastus jagi 2025 gohččumiin	8
§ 96	Ohcejoga gieldabrándda brándagiehtagirji	9
§ 97	Ohcejoga skuvllaid áiggeádjedoaimma 2025-2026	11
§ 98	Nuoraidstivra 2025	13
§ 99	Váldostivrra válgalávdegotti válljen	14
§ 100	Váldostivrra ságadoalliid válga	15
§ 101	Gielddaráđđehusa lahtuid ja várrelahtuid válga	16
§ 102	Dárkkistanlávdegotti lahtuid ja várrelahtuid válga	18
§ 103	Guovddášválgalávdegotti lahtuid ja várrelahtuid válga	19
§ 104	Čuvgehuslávdegotti lahtuid ja várrelahtuid válga	20
§ 105	Eallinfápmo- ja teknikalaš lávdegotti lahtuid ja várrelahtuid válga	21
§ 106	Davvi-Lappi guovloovttasbarggu gielddaidovttastumi ovttastusčoahkkima ovddasteaddjiid válga	22
§ 107	Lappi lihthu, ovddasteaddji nammadeapmi gielddaid ovddasteaddjičoahkkimii	23
§ 108	Lappi boleslágádusa ráđđádallangotti lahtuid válga	24
§ 109	Giddodatdoaimmahusaid oskojuvvon olbmuid válga	25
§ 110	Doaimmaorgánaid mearrádusat	26
§ 111	Ruhtadili birra oanehaččat	27
§ 112	Áššit diehtun	28
§ 113	Lappi gearretievtti lávdeolbmáid válga	29
§ 114	Spiehkastatlohpeohcamuš giddodahkii 890-403-14-151	30

Oasseváldit

	Namma	Doaibma	Lassedieđut
Mielde	Väinö Guttorm	ságadoalli	
	Vesa Länsman	várreságadoalli	
	Kordelin Marjatta	lahttu	
	Porsanger Veikko	lahttu	
	Rasmussen Riikka	lahttu	
	Tapiola Ilmari	lahttu	
	Pohjanrinne Arto	váldostivrra ságadoalli	
Eret	Niittyvuopio-Valle Laura		
	Pirjo Konttinen		
	Guttorm Urho		
	Eemeli Hekkanen		
	Manninen Terttu		
	Wargh Kirsi-Marja		
	Holmberg Aslak		
	Ahlakorpi Anni		
Eará	Kontio Päivi	gielddahoavda	
	Länsman Marja	beavdegirjedoalli	
	Aikio Maria Sofia	Dulka	

Vuolláičállosat

	Väinö Guttorm ságadoalli	Marja Länsman beavdegirjedoalli
Gieđahallon áššit	90 - 114	

Beavdegirji dárkkisteapmi Ohcejohka 26.5.2025

	Ilmari Tapiola beavdegirjedárkkisteaddji	Vesa Länsman beavdegirjedárkkisteaddji
--	---	---

Beavdegirji dollojuvvo albmosis

Gielddadállo, guovddášdoaimmahat 02.06.2025

Minna Lukkari
Almmuhantávvala dikšu

Gielddaráđdehus

§ 90

26.05.2025

Čoahkkima lágalašvuohta ja mearridanváldi

Gr 26.05.2025 § 90

Mearrádusevttohus

Gávnnavuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus

Gávnnavuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Gielddaráđdehus

§ 91

26.05.2025

Beavdegirjji dárkkisteaddjiid välljen

Gr 26.05.2025 § 91

Mearrádusevttohus

Válljet čeahkkimii guokte beavdegirjedárkkisteaddji.

Mearrádus

Beavdegirjedárkkisteaddjin välljejuvvuiga Vesa Länsman ja Riikka Rasmussen.

Gielddaráđdehus

§ 92

26.05.2025

Bargoortnega dohkkeheapmi

Gr 26.05.2025 § 92

Mearrádusevttohus

Gielddaráđdehus dohkkeha áššiid gieđahallanortnega
čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallat Lappi
gearretievtti lávdeolbmáid válga ja Spiehkastatlohpeohcamuš
giddodahkii 890-403-14-151. Ságadoalli evttohus dohkkehuvvui
ovttamielalaččat.

Čoahkkima gieđahallanortnet dohkkehuvvui evttohuslisttu
mielásažžan oktan ságadoalli evttohan lasseáššiiguin.

.

Gielddaráđdehus

§ 93

26.05.2025

Dili birra oanehaččat

Gr 26.05.2025 § 93

Gielddahoavda muitala áigeguovdilis áššiid birra oanehaččat:

Mearrádusevttohus

Merkejuvvo diehtun.

Mearrádus

Gielddahoavda muitalii áigeguovdilis áššiid birra oanehaččat ná:

- ovttasdoaibmanmeannudeapmi
- bálkávuogádatodastus mas bálká vuodđuduvvá eará gáibádusdásiid mielde
- gearggusvuodahárjehus
- Ohcejohnjálmmi skuvlla dilli

Merkejuvvui diehtun .

Gielddaráđđehus

§ 94

26.05.2025

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 26.05.2025 § 94

Gildii leat boahtán 2 st gávpenannejeaddji giddodatluohpadanalmmuhusa, listu giddodatluohpadanalmmuhusain lea siidomateriálan. Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa ja váidit hálddabusriektái.

Gieldda mearrádussii leat geavatkeahtá ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda báikkiide, mat gullet gávpái.

Mearrádus

Evttohus dohkkehuvvui.

Gielddaráđđehus

§ 95

26.05.2025

Gieldda ovddastus jagi 2025 gohččumiin

Gr 26.05.2025 § 95

85/00.04.00/2025

Jágárbrigáda Lappi guovlodoaimmahat bivdá gieldda nammadit ovddasteaddji ja várreovddasteaddji gohččunlávdegoddái sihke olbmo ovdanbuktit gieldda dearvvahusa gohččunvuložiidda. Lassin dilálašvuhtii bivdojuvvo mielde olmmoš, gii dovdá ja diehtá gieldda válmmašvuođaplánema birra. Gohččumat dollojuvvojit Ohcejogas 19.8.2025 dmu 11.00 rájes.

Áššemeannudeaddji Gielddahoavda Päivi Kontio

Mearrádusevttohus Gielddaráđđehus nammada gieldda ovddasteaddjin gohččunlávdegoddái buresveadjinhoavda Pirjo Seurujärvi sihke várreovddasteaddjin gielddahoavda Päivi Kontio.

Lassin gielddaráđđehus nammada olbmo ovdanbuktit gieldda dearvvahusa gohččunvuložiidda.

Mearrádus Ilmari Tapiola evttohii, ahte gielddaráđđehusa ságadoalli ovdanbukta gieldda dearvvahusa . Evttohus dohkkehuvvui ovtta mielaččat.

Evttohus dohkkehuvvui.

Eallinfápmo- ja tehnikkalaš lávdegoddi	§ 69	15.05.2025
Gielddaráđđehus	§ 96	26.05.2025

Ohcejoga gieldabrándda brándagiehtagirji

ealteknlg 15.05.2025 § 69

Válmmaštalli

Eallinfápmohoavda Tanja Lepistö

Gieldabránda lea bargoneavvu, mainna gielda earrána eará gielddain vejolaš boahttevaš ássiid ja vejolaš fitnodatinvesterejeaddjiid čalmmiin. Smávva gielddas rájálaš resurssaiguin bránddas lea stuorát mearkkašupmi go dábálaččat.

Gieldabránda berre leat eakti ja čuovvut duohtavuoda, muhto dat lea goit márkanastima bargoneavvu, mii lokte ovdan gieldda buriid beliid. Bures huksejuvvon gieldabránda buktá ovdan gieldda árvvuid, nanusvuodaid ja áidnalunddotvuoda. Dat boktá dovdduid ja ovdána áiggi mielde. Gieldabránda doarju ja dahká njuovžilabbon gieldda beaivválaš gulahallama ja meroštallá gieldamárkanastima kampánjjaid. Ollašuhtton gieldamárkanastin doarju maid fitnodagaid rekryterema juohkimiin rivttes dieđu guovllus geasuhahtti láhkai.

Eallinfápmo- ja tehnikkalaš lávdegoddi lea válljen čoahkkimisttis 30.1.2025 gieldabrándda gárvvisteaddjin Flatlight. Gieldabránda lea válmmaštallon bargojoavkku jodiheami vuolde. Bargojovkui leat gullan gieldda stivrenjoavku, gieldda váldostivrra ja gielddaráđđehusa ságadoallit, gulahallankoordináhtor ja eallinfápmobargojoavku.

Áššemeannudeaddji

Eallinfápmohoavda Lepistö Tanja

Mearrádusevttohus

Eallinfápmo-ja tehnikkalaš lávdegoddi dohkkeha sisáibmoplána ja evttoha dan ain gielddaráđđehussii ja váldostivrii dohkkeheami várás.

Mearrádus

Prošeaktahoavda Riikka Keskiäho ovdanbuvttii brándagirjji. Pirjo Konttinen evttohii, ahte brándagirjji čuoggái 6 brándalohpádus lasihuvvo luondu eallinvuohkin. Sammol Lukkari guottihii Pirjo evttohusa. Uula Tapiola evttohii lasáhusa, ahte Ohcejoga ránnján lea Norgga stáhta, gos leat Kárášjoga ja Deanu gielddat ja jieknamearra lahka. Dan lassin Ohcejoga šuokŋa-čuoggái lasihuvvo EU davimus gielda. Urho Guttorm ja Sammol Lukkari guottiheaigga Uula evttohusa. Anni Ahlakorpi evttohii, ahte ulbmiljovkui ja gilvaleaddjit lasihuvvojit stuorra gávpogat Roavvenjárga, Oulu, Helsset. Uula Tapiola guottihii Anni evttohusa.

Lávdegoddi dohkkehii ovttamielalaččat ovddabealde namuhuvvon ja guottihuvvon nuppástusaiguin brándagirjji.

Eallinfápmo- ja teknikalaš lávdegoddi	§ 69	15.05.2025
Gielddaráđđehus	§ 96	26.05.2025

Dán paragrafa giedahallama maŋŋá čoahkkimis dollojuvvui boddu
dmu 16:00 - 16:11

Gr 26.05.2025 § 96
114/14.02.00/2024

Áššemeannudeaddji	Gielddahoavda Päivi Kontio
Mearrádusevttohus	Gielddaráđđehus dohkkeha ja evttoha ain váldostivrii dohkkehanláhka! Ohcejoga márkanastima brándagiehtagirjji, mii lea siidomateriálan.
Mearrádus	Prošeaktahoavda Riikka Keskih! ovdanbuvttii brándagirjji gielddaráđđehusa lahtuide. Merkejuvvui beavdegirjái, ahte maiddái eallinfápmohoavda Tanja Lepistö oassálasttii čoahkkimii ášši giedahallama áigge. Ilmari Tapiola evttohii, ahte brándagirji ii dohkkehuvvo. Evttohusa eai guottihan. Evttohus dohkkehuvvui.

Čuvgehuslávdegoddi
Gielddaráđdehus

§ 51
§ 97

14.05.2025
26.05.2025

Ohcejoga skuvllaid áiggeádjedoaimma 2025-2026

Čuvglđg 14.05.2025 § 51

Válmmaštalli

Astoáiggečállli Kaisa Tapiola-Länsman

Astoáiggedoaimma lea ožžon Lappi EJB:s Áiggeáji Suoma málle veahkkeruđa 25 500 euro mánáide oaivvilduvvon áiggeádj- ja riekkedoaimma ordnema várás skuvlabeivviid oktavuhtii lohkanjahkái 2025-2026.

Doarjja gokčá proševtta goluin eanemustá 60 % ja gieldda iežasvástuoassi galgá leat uhcimustá 40 %, dahjege 13 866,67 euro. Proševttain leat jurddašan ordnet čuovvovaš riekkedoaimmaid:

Ohcejohnjálmmi skuvla: Akrobatiiariiekkis, vuojadanriiekkis, tehnikkalaš huksen/matematihkka, mánggalágan valáštallama riekkis.

Njuorggáma skuvla Njuorggán: Vuojadeapmi ja akrobatiija.

Gáregasnjárgga skuvla: Musihkkariiekkis, dásariiekkis, báhčín/dolgevuokkaid čatnanriiekkis, sisbandyriiekkis ja korespábbariiekkis/jujutsuriiekkis.

Golloárvvoštallan prošektii lea 34 667 euro, gieldda iežasvástuoassi lea 13 867 euro.

	Jahki 2025	Jahki 2026	Oktiibuot
Boađut	8 925	16 575	25 500
Golut 12	750	23 678,57	36 428,57
Netto	3 825	7 103,57.	10 928,57

Áššemeannudeaddji

Buresveadjinhoavda Seurujärvi Pirjo

Mearrádusevttohus

Čuvgehuslávdegoddi evttoha gielddaráđdehussii ja ain váldostivrii:
1. lassemearreruđa miediheami Ohcejoga skuvllaid áiggeádjedoaimma 2025-2026-prošektii válmmaštallama mielde jahkái 2025, 2. miediha prošektii álggahanlobi ja prošektii vuodđuduvvo goasttádusbáiki, 3. astoáiggečállli beali mánotbaji bálkágoluid sirdit prošektii jahkái 2025 astoáiggedoaimma geavahanekonomiijas, dainna gokčat oasi jagi 2025 iežasvástooasis. 4. jagi 2026 oasil prošekta vuhtiiváldo bušeahta čállimis. Astoáiggečállli beali mánotbaji bálkágolut váldojuvvojit vuhtii bušeahta čállimis seamma láhkai go jagi 2025.

Čuvgehuslávdegoddi	§ 51	14.05.2025
Gielddaráđđehus	§ 97	26.05.2025

Mearrádus	Mearrádusevttohusa mielde
-----------	---------------------------

Gr 26.05.2025 § 97
88/12.05.00/2025

Áššemeannudeaddji	Gielddahoavda Päivi Kontio
-------------------	----------------------------

Mearrádusevttohus	Gielddaráđđehus dohkkeha ja evttoha ain váldostivrii1. lassemearreruđa miediheami Ohcejoga skuvllaid áiggeádjedoaimma 2025-2026-prošektii válmmaštallama mielde jahkái 2025,2. miedihit prošektii álggahanlobi ja prošektii vuodđuduvvo goasttádusbáiki,3. astoáiggečállli beali mánotbaji bálkágoluid sirdima prošektii jahkái 2025 astoáiggedoaimma geavahanekonomiijas, dainna gokčat oasi jagi 2025 iežasvástooasis.4. jagi 2026 oasil prošeakta vuhtiiváldo bušeahta čállimis. Astoáiggečállli beali mánotbaji bálkágolut váldojuvvojit vuhtii bušeahta čállimis seamma láhkai go jagi 2025.
-------------------	---

Mearrádus	Evttohus dohkkehuvvui.
-----------	------------------------

Čuvgehuslávdegoddi	§ 50	14.05.2025
Gielddaráđđehus	§ 98	26.05.2025

Nuoraidstivra 2025

Čuvglđg 14.05.2025 § 50

Válmmaštalli Astoáiggečálli Kaisa Tapiola-Länsman

Ohcejoga gieldda nuoraidstivrii leat ohccon ođđa lahtut jahkái 2025. Nuoraidstivra lea válljen iežas lahtuin ságadoalli ja várreságadoalli.

Nuoraidstivra 2025:

Oskari Kontio sg.
Lávrá Länsman várresd.
Asterix Sujala
Mággá Eriksen
Biggá Korpi
Lilja Niemelä
Lindqvist Rasmus
Jenni Lapinkangas

Áššemeannudeaddji Buresveadjinhoavda Seurujärvi Pirjo

Mearrádusevttohus Čuvgehuslávdegoddi nanne nuoraidstivrra lahtuid jahkái 2025 ja evttoha daid ain gielddaráđđehussii dohkkehanláhkai.

Mearrádus Mearrádusevttohusa mielde

Gr 26.05.2025 § 98
87/12.05.00/2025

Áššemeannudeaddji Gielddahoavda Päivi Kontio

Mearrádusevttohus Gielddaráđđehus nanne nuoraidstivrra lahtuid jahkái 2025 evttohusa mielde.

Mearrádus Evttohus dohkkehuvvui.

Gielddaráđđehus

§ 99

26.05.2025

Váldostivrra válgalávdegotti válljen

Gr 26.05.2025 § 99

95/00.00.01.01/2025

Hálddahunjuolggadusa 112 §:a mielde váldostivra vállje doaibmabadjásis relatiiva válggaid doaimmaheami várás válgalávdegotti. Lávdegottis leat vihtta lahtu ja guđege lahtus persovnnalaš várrelahttu.

Váldostivra vállje lahttun válljejuvvon olbmuin ságadoalli ja ovttá várreságadoalli.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čadaha válgalávdegotti válgga váldostivrra doaibmabadjái ja mearrida lahtuin ságadoalli sihke várreságadoalli.

Mearrádus

Evttohus dohkkehuvvui.

Gielddaráđđehus

§ 100

26.05.2025

Váldostivrra ságadoalliid válga

Gr 26.05.2025 § 100

95/00.00.01.01/2025

Gieldalága 18 §:a mielde váldostivra vällje gaskavuođastis ságadoalli ja dárbbaslaš meari várreságadoalliid doaibmabadjásis, jos ii váldostivra leat mearridan, ahte sin doaibmabadji lea oanehut go váldostivrra doaibmabadji. Ságadoalli ja várreságadoalli välljejuvvojit seamma válgadoaimmahusas.

Ohcejoga gieldda hálddahunjuolggadusa 82 § mielde váldostivrras leat ságadoalli ja guokte várreságadoalli. Ságadoallit välljejuvvojit guovtti jagi doaibmabadjái.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat vällje gaskavuođastis ságadoalli ja guokte várreságadoalli hálddahunjuolggadusa mielde doaibmabadjái 2025-2027.

Mearrádus

Evttohus dohkkehuvvui.

Gielddaráđđehus

§ 101

26.05.2025

Gielddaráđđehusa lahtuid ja várrelahtuid válga

Gr 26.05.2025 § 101

95/00.00.01.01/2025

Gieldda hálddahusnuolggadusa 8 § mielde gielddaráđđehusas leat čieža lahtu ja juohke lahtus lea persovnnalaš várrelahttu.

GieldaL 73 § ráddje válgadohkálašvuoda gielddaráđđehussii:

Válgadohkálaš gielddaráđđehussii lea olmmoš, guhte lea válgadohkálaš váldostivrii, ii goittot:

1) olmmoš, gii bargá gielddaráđđehusa vuollásažžan gieldda bálvalusas

2) olmmoš, guhte lea gielddaráđđehusa bargosuorggis doaibmi, gieldda mearridanválddi vuolde leahkki servoša dahje vuodđudusa bálvalusas 3) olmmoš, guhte lea gieldda bálvalusas ja guhte lávdegotti áššemeannudeaddjin dahje muđui vástida

gielddaráđđehusa gieđahallamii boahtti áššiid válmmaštallamis

4) olmmoš, guhte lea stivrra dahje dasa buohtastahtton doaibmaorgána lahttun dahje jodiheaddji ja vásttolaš barggus dahje dasa buohtastahtton sajádagas fitnodatdoaimma hárjeheaddji servošis dahje vuodđudusas, jos gažaldagas lea dakkár searvvuš, masa gielddaráđđehusas dábálaččat gieđahallanvuloš áššiid čoavddus sáhtta buktit čielgasit ávkki dahje vahága.

Bargoveaga ovddugohcimis gažaldatvuloš gielddas fuolaheaddji servoša stivrra dahje dasa buohtastahtton doaibmaorgána ságadoalli ii leat válgadohkálaš gielddaráđđehussii. Válgadohkálaš ii leat maiddái olmmoš, guhte servoša ráđđádallin dahje eará vástideaddji iešvuodas vástida ovddugohcimis.

Eanetlohku gielddaráđđehusa lahtuin galget leat olbmot, geat leat eará go gieldda dahje gieldda mearridanválddi vuolde leahkki servoša dahje vuodđudusa bálvalusas.

Ovddabealde 1 momeantta 4 čuokkis ii heivehuvvo gieldda mearridanválddi vuolde leahkki servoša stivrra dahje dasa buohtastahtton doaibmaorgána lahttui.

Válgadohkálašvuhtii gielddaráđđehussii váikkuhit vuos válgadohkálašvuodaráddjehusat váldostivrras. Olmmoš, guhte ii leat válgadohkálaš váldostivrii, ii leat maiddái válgadohkálaš gielddaráđđehussii.

Nubbin ráddjehusat gusket gielddaráđđehusa vuollásaš bargoveaga lassin lávdegottiid áššemeannudeaddjiid ja áššiid válmmaštalliid.

Gielddaráđđehus

§ 101

26.05.2025

Goalmmádin ráddjehusat gusket gielddaráđđehusa bargosuorggis doaibmi konseardnaservoša bargoveaga.

Njealjádin ráddjehusat gusket gieldda bargoveaga ovddugohcimis vástideaddji olbmuid.

Viđádin válgadohkálašvuodaráddjehus sáhtta guoskat gielddas doaibmi fitnodagaid njunušolbmuide, ii goit gieldda mearridanválddi vuolde leahkki fitnodagaid njunušolbmuide.

Doaibmaorgána lahtut válljejuvvojit váldostivrra doaibmabadjái, jos váldostivra ii leat mearridan, ahte sin doaibmabadji lea oanehut go váldostivrra doaibmabadji.

Dasa lassin válggas berre váldit vuhtii dásseárvolága.
Doaibmaorgánas galget leat sihke albmát ja nissonat goappátge uhcimustá 40 proseantta.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čađaha gielddaráđđehusa lahtuid ja várrelahtuid válgga váldostivrra doaibmabadjái ja mearrida lahtuin ságadoalli sihke várreságadoalli.

Mearrádus

Evttohus dohkkehuvvui.

Gielddaráđđehus

§ 102

26.05.2025

Dárkkistanlávdegotti lahtuid ja várrelahtuid válga

Gr 26.05.2025 § 102

95/00.00.01.01/2025

Dárkkistanlávdegoddi vástida ruhtadoalloodárkkistusa ordnedemiin ja jođiha ruhtadoalloodárkkistusa sihke válmmaštallá dasa laktáseaddji áššiid váldostivrii.

Gieldalága 75 §:a mielde váldostivra ásaha dárkkistanlávdegotti doaibmabajis vástideaddji jagiid hálddahusa ja ekonomii ja dárkkisteami ordnema várás.

Válgadohkálaš dárkkistanlávdegoddái ii leat:

- 1) gielddaráđđehusa lahttu;
- 2) bormeaštir ja veahkkebormeaštir
- 3) olmmoš, guhte lea gielddaráđđehusa lahtu, gielddahoavdda, bormeaštára dahje veahkkebormeaštára hálddahuslága easttalašvuodavuođuštusaide guoski 28 §:a 2 ja 3 momeanttas oaivvilduvvon lagašolmmoš
- 4) olmmoš, guhte lea gieldda dahje gieldda mearridanválddi vuolde leahkki servoša dahje vuodđudusa bálvalusas
- 5) olmmoš, guhte ii leat válgadohkálaš gielddaráđđehussii.

Dárkkistanlávdegoddái ii sáhte válljet olbmo, guhte ii leat válgadohkálaš gielddaráđđehussii. Njuolggadus ráddje válgadohkálašvuoda dárkkistanlávdegoddái 73 §:s mearriduvvon vugiin. Heivehan láhkai boahdá maid válgadohkálašvuoda váldostivrii guoski 72 §, go válgadohkálaččat gielddaráđđehussii eai leat olbmot, geat eai leat válgadohkálačča váldostivrii.

Ohcejoga gieldda hálddahusnjuolggadusa 9 § mielde lávdegottis leat 3 lahtu, main váldostivra vállje lávdegotti ságadoalli ja várreságadoalli. Ságadoalli ja várreságadoalli galgaba leat váldostivrra áirasat. Guđege lahtus lea persovnnalaš várrelahttu.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čadaha dárkkistanlávdegotti lahtuid ja várrelahtuid válgga váldostivrra doaibmabadjái ja mearrida lahtuin ságadoalli sihke várreságadoalli.

Mearrádus

Evttohus dohkkehuvvui.

Gielddaráđđehus

§ 103

26.05.2025

Guovddášválgalávdegotti lahtuid ja várrelahtuid válga

Gr 26.05.2025 § 103

95/00.00.01.01/2025

Válgalága 13 §:a mielde váldostivra galgá ásahit gildii doaibmabadjásis gieldda guovddášválgalávdegotti, masa gullet ságadoalli, várreságadoalli ja golbma eará lahtu sihke dárbbášlaš mearri várrelahtut, mat galget leat goit uhcimustá vihtta. Várrelahtuid galgá ásahit dan ortnegii, go sii bohtet lahtuid sadjásažžan. Sihke lahtut ja várrelahtut berrejit vejolašvuodaid mielde ovddastit gielddas ovddit gielddaválggain evttohasaid ásahan jienasteaddjijoavkkuid.

Vai gieldda guovddášválgalávdegotti lahtut ja várrelahtut ovddastivčče ovddit gielddaválggain fárus leamašan jienasteaddjijoavkkuid, dat dábálaččat gáibida, ahte guhtege lahttu ja várrelahttu ovddasta sierra jienasteaddjijoavkku. Nu guhká go oktage vuhtiiváldin láhkai jienasteaddjijoavku lea almmá ovddastusa, guovddášválgalávdegoddái ii oaččo válljet eará joavkkus guokte ovddasteaddji.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čadaha guovddášválgalávdegotti lahtuid ja várrelahtuid válgga váldostivrra doaibmabadjái ja mearrida lahtuin ságadoalli sihke várreságadoalli.

Mearrádus

Evttohus dohkkehuvvui.

Gielddaráđđehus

§ 104

26.05.2025

Čuvgehuslávdegotti lahtuid ja várrelahtuid válga

Gr 26.05.2025 § 104

95/00.00.01.01/2025

Čuvgehuslávdegoddái gullet čieža lahtu ja čieža persovnnalaš várrelahtu.

Gieldalága 74.1 §:s ráddjejuvvo válgadohkálašvuohta lávdegoddái ja váljagoddái ná:

Válgadohkálaš lávdegoddái lea olmmoš, guhte lea válgadohkálaš váldostivrii, ii goittotge:

1) olmmoš, guhte lea gažaldatvuloš lávdegotti vuollásažžan gieldda bálvalusas

2) olmmoš, guhte lea gažaldatvuloš lávdegotti bargosuorggis doaibmi, gieldda mearridanválddi vuolde leahkki servoša dahje vuodđudusa bálvalusas

3) olmmoš, guhte lea stivrra dahje dasa buohtastahtton doaibmaorgána lahttun dahje jodiheaddji ja vásttolaš barggus dahje dasa buohtastahtton sajádagas fitnodatdoaimma hárjeheaddji servošis, jos gažaldagas lea dakkár searvvuš, masa gažaldatvuloš lávdegottis dábálaččat gieđahallanvuloš áššiid čoavddus sáhttá buktit čielgasit ávkki dahje vahága.

Dásseárvolága mielde gieldda doaibmaorgánain earet váldostivrras galget leat sihke albmát ja nissonat goappašagat uhcimustá 40 proseantta.

Doaibmaorgána lahtut válljejuvvojit váldostivrra doaibmabadjái, jos váldostivra ii leat mearridan oanehut doaibmabajis.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čađaha čuvgehuslávdegotti lahtuid ja várrelahtuid válgga váldostivrra doaibmabadjái ja mearrida lahtuin ságadoalli sihke várreságadoalli.

Mearrádus

Evttohus dohkkehuvvui.

Gielddaráđdehus

§ 105

26.05.2025

Eallinfápmo- ja teknikkalaš lávdegotti lahtuid ja várrelahtuid válga

Gr 26.05.2025 § 105

95/00.00.01.01/2025

Eallinfápmo- ja teknikkalaš lávdegoddái gullet čieža lahtu ja čieža persovnnalaš várrelahtu.

Gieldalága 74.1 §:s ráddjejuvvo válgadohkálašvuolta lávdegoddái ja váljagoddái ná:

Válgadohkálaš lávdegoddái lea olmmoš, guhte lea válgadohkálaš váldostivrii, ii goittotge:

- 1) olmmoš, guhte lea gažaldatvuloš lávdegotti vuollásažžan gieldda bálvalusas
- 2) olmmoš, guhte lea gažaldatvuloš lávdegotti bargosuorggis doaibmi, gieldda mearridanválddi vuolde leahkki servoša dahje vuodđudusa bálvalusas
- 3) olmmoš, guhte lea stivrra dahje dasa buohtastahtton doaibmaorgána lahttun dahje jođiheaddji ja vásttolaš barggus dahje dasa buohtastahtton sajádagas fitnodatdoaimma hárjeheaddji servošis, jos gažaldagas lea dakkár searvvuš, masa gažaldatvuloš lávdegottis dábálaččat gieđahallanvuloš áššiid čoavddus sáhttá buktit čielgasit ávkki dahje vahága.

Dásseárvolága mielde gieldda doaibmaorgánain earet váldostivrras galget leat sihke albmát ja nissonat goappašagat uhcimustá 40 proseantta.

Doaibmaorgána lahtut vállejuvvojit váldostivrra doaibmabadjái, jos váldostivra ii leat mearridan oanehut doaibmabajis.

Áššemeannudeaddji

Gielddahoavda Päivi Kontio

Mearrádusevttohus

Gielddaráđdehus evttoha váldostivrii, ahte dat čadaha eallinfápmo- ja teknikkalaš lávdegotti lahtuid ja várrelahtuid válgga váldostivrra doaibmabadjái ja mearrida lahtuin ságadoalli sihke várreságadoalli.

Mearrádus

Evttohus dohkkehuvvui.

Gielddaráđdehus

§ 106

26.05.2025

Davvi-Lappi guovloovttasbarggu gielddaidovttastumi ovtastusčoahkkima ovddasteaddjiid váлга

Gr 26.05.2025 § 106

95/00.00.01.01/2025

Soađegili, Anára ja Ohcejoga gielddat hábmejit Davvi-Lappi guovlooktasašbarggu gielddaidovttastumi. Dan alimus mearrideaddji orgána lea ovtastusčoahkkin, mas leat guokte ovddasteaddji Ohcejoga gielddas. Ovddasteaddjiin nubbi galgá leat váldostivrra ságadoalli. Namahusain berre váldit vuhtii dásseárvoperspektiivva sihke fásta ovddasteaddjiid ja várrelahtuid oasil.

Gielddaidovttastumi stivra čohkiida ovtastusčoahkkimii válljejuvvon ovddasteaddjiin.

Bargováljagoddin doibmet lahttogielddaid gielddahoavddat, geat válmmaštallet mearrádusevttohusaid ovtastusstivrii ja ovtastusčoahkkimii ovttas gielddaidovttastumi ovddidanhoavddain.

Áššemeannudeaddji

Gielddahoavda Päivi Kontio

Mearrádusevttohus

Váldostivra čađaha ovttas ovddasteaddji ja guovtti persovnnalaš várreovddasteaddji válgga gielddaidovttastumi ovtastusčoahkkimii váldostivrra doaibmabadjái.

Mearrádus

Evttohus dohkkehuvvui.

Gielddaráđđehus

§ 107

26.05.2025

Lappi lihttu, ovddasteaddji nammadeapmi gielddaid ovddasteaddjičoahkkimii

Gr 26.05.2025 § 107

95/00.00.01.01/2025

Lappi lihtu vuodđosoahpamuša 6 §:a mielde gielddaid ovddasteaddjičoahkkin vállje Lappi lihtu váldostivrra lahtuid ja sidjiide persovnnalaš várrelahtuid. Lahttogiella sáhttá nammadit ovddasteaddjičoahkkimii ovttá ovddasteaddji álgi 3 500 ássi nammii. Ovddasteaddji sihke várreovddasteaddji galgaba leat váldostivrra áirasat. Gieldda ovddasteaddjiid válljedettiin berre váldit vuhtii dásseárvolága njuolggadusaid. Lappi lihtu ovddasteaddjičoahkkin dollojuvvo Roavvenjárggas 18.8.2025 dmu 9.00.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha ovttá ovddasteaddji ja sutnje várreovddasteaddji Lappi Lihtu ovddasteaddjičoahkkimii.

Mearrádus

Evttohus dohkkehuvvui.

Gielddaráđđehus

§ 108

26.05.2025

Lappi boleslágádusa ráđđádallangotti lahtuid válga

Gr 26.05.2025 § 108

95/00.00.01.01/2025

Bolesa hálddahusa birra addojuvvon ása husa 13 §:a mielde boleshálddahus nanne ráđđádallangotti lahtomeari. Váldostivra vállje bolesa ráđđádallangoddái lahtuid doaibmabadjásis. Guđege lahtus lea persovnnalaš várrelahttu. Ráđđádallangoddi vállje gaskavuodastis ságadoalli ja várreságadoalli. Lappi boleslágádusa ráđđádallangotti lahtuid mearri lea 15, mas Ohcejoga gieldda ovddasteaddjiid oassi lea 1.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čadaha Lappi boleslágádusa ráđđádallangotti lahtu ja várrelahtu válgga váldostivrra doaibmabadjái.

Mearrádus

Evttohus dohkkehuvvui.

Gielddaráđđehus

§ 109

26.05.2025

Giddodatdoaimmahusaid oskojuvvon olbmuid válga

Gr 26.05.2025 § 109

95/00.00.01.01/2025

Giddodathábmenlága 6 §:a mielde váldostivra berre välljet gieldda giddodatdoaimmahusaid oskkáldas olmmožin uhcimustá guhtta olbmo váldostivrra doaibmabaji vástideaddji áigodahkii. Oskkáldas olmmoš berre dovdat giddodatáššiid ja báikkálaš diliid. Válgadohkálašvuoda birra oskkáldas olbmo doibmii lea lassin fámus, mii gearretievtti lávdeolbmuid birra ásahuvvo. Olmmoš galgá leat doaibmanávccalaš, moaitemeahttun ja uhcimustá 25 jagi deavdán gielddas ássi Suoma riikkavuloš.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus evttoha váldostivrii, ahte dat čadaha gieldda giddodatdoaimmahusaid oskojuvvon olbmuid válgga váldostivrra doaibmabadjái.

Mearrádus

Evttohus dohkkehuvvui.

Gielddaráđdehus

§ 110

26.05.2025

Doaibmaorgánaid mearrádusat

Gr 26.05.2025 § 110

Lávdegottiid beavdegirjiit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhhtá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnin láhkai čoahkkinbáikkis: Čuvgehuslávdegoddi 14.5.2025, Eallinfápmo- ja tehnikkalaš lávdegoddi 15.5.2025

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđdehus

§ 111

26.05.2025

Ruhtadili birra oanehaččat

Gr 26.05.2025 § 111

Mearrádusevttohus

Gullat oanehaččat ruhtadili birra.

Mearrádus

Merkejuvvojedje diehtun.

Gielddaráđđehus

§ 112

26.05.2025

Áššit diehtun

Gr 26.05.2025 § 112

Mearrádusevttohus - Gielddaráđđehus merke diehtun čuovvovaš áššebáhpáriid:

Lappi buresveadjinguovlu

- Guovllustivrra čoahkkindieđáhus 30.4.2025

Lappi lihttu

- Ruhtadoalloloahpaheapmi ja doaibmačilgehus 2024

Soađegili gielda

- Birasjuogus; Birassuodjalaneiseválddi doaibmaválddi delegeren

Mearrádus

Merkejuvvui diehtun.

Gielddaráđdehus

§ 113

26.05.2025

Lappi gearretrievtti lávdeolbmáid válga

Gr 26.05.2025 § 113

95/00.00.01.01/2025

Gearretriektelága mielde váldostivra vállje lávdeolbmáid doaibmabadjái hávil. Gielddas válljejuvvon lávdeolbmát galget nu dássidit go vejolaš ovddastit gielddaolbmuid ahke-, ealáhus-, sohka-bealle- ja gielaidegaskasaš gaskavuoda.

Lávdeolmmái galgá leat gearretrievtti duopmobirii gullevaš gielddas ássi Suoma riikkavuloš, gii ii leat reastaluvvan, geas ii leat ráddjejuvvon doaibmagelbbolašvuohta ja gean galgá dollojuvvot leat heivvolaš doibmet lávdeolbmán. Lávdeolbmán ii oaččo válljet olbmo, gii lea vuollel 25-jahkásaš dahje lea deavdán 65 jagi. Lávdeolbmán ii oaččo leat olmmoš, geas lea virgi dábálaš duopmostuolus dahje Rihkusčuovvumušlágádusas dahje gii virggistis doaimmaha bággobearrandoaimmaid, rihkkosiid ovdadutkama dahje duollo-dehe bolesbearráigeahču, iige maiddái áššáskuhtti, ášševuoddji dahje eará olmmoš, geas leat ámmátgeatnegasvuohta.

Duopmostuollovirgedoaimmahat lea iežas mearrádusain 20.5.2025 TIV/303/2021 nannen Ohcejoga lávdeolbmáid mearrin 2.

Áššemeannudeaddji Gielddahoavda Päivi Kontio

Mearrádusevttohus Gielddaráđdehus evttoha váldostivrii, ahte dat čadaha gearretrievtti lávdeolbmáid válgga váldostivrra doaibmabadjái. Válljejuvvon lávdeolbmáid mearri lea 2.

Mearrádus Evttohus dohkkehuvvui.

Gielddaráđdehus

§ 114

26.05.2025

Spiehkastatlohpeohcamuš giddodahkii 890-403-14-151

Gr 26.05.2025 § 114

97/10.03.00.07/2025

Válmmaštalli

Vd. Huksendárkkisteaddji Tapio Oikarainen

Giddodaga Armas 890-403-14-151 oamasteaddjit leat ohcamin spiehkastatlobi iežaset huksenprošektii. Ášši lea leamaš gieđahallamis Eallinfápmo- ja teknikkalaš lávdegottis 15.5.2025. Lávdegoddi guđii ášši beavddi ala, daningo lávdegottis ii leat mearridanváldi, ja danne ášši dolvojuvvo gielddaráđdehussii mearrádusa dahkama várás.

Huksenprošektii gulašedje 44 -geardenjealjehasa sturrosaš dálлу, ja maid sullii 30- geardenjealjehasa ovddas dálloodallovisttit. Vistiid oktiirehkenaston geardeviidodat livččii oktiibuot sullii 70-geardenjealjehasa. Bázašusčázit manašedje táŋkii (mas lea automáhtalaš "badjelšávahat alárbmassignálain") ja huksensadjái šilljui boadášii sin iežaset čáhcegáivvo.

Giddodat gullá Gáregasnjárgga oasseguovllu oasseoppalašlávvi, Gáregasnjárgga giliguovddáš. Giddodat lea Boares Gáregasnjárgga guovllus . Giddodat lea lávvakárttás lávvamerkema M-1 guovllus, man mielde doppe lea eanaš luondduealáhus-, eana- ja vuovdedoallu. Giddodat lea oppalašlávvas čujuhuvvon gáddeavádagas lávvamerkemiin -ran. Merkemiin čujuhuvvon gáddeavádaga ja -guovllu ráddjen, mas lea čuvvojuvvon vuodđodállogeahčadeapmi (eadnedállogeahčadeapmi) huksenvuoigatvuođa meroštallamis. Giddodat lea lávvgárttás maiddái luonddu máŋggahámatvuođa dáfus erenomáš dehálaš guovllus, lávvamerkemiin luo.

Válddus Ejb-guovddáša cealkámušas:

"Spiehkastatlobi gáibádusat

Spiehkastatlobi gáibádusain mearriduvvo huksenlága 57 §:s. Spiehkasteami ii liikkáge oaččo miedihit, jos dat:

- 1)Dagaha hehttehusa lávvi, láva ollašuhthimii dahje eatnamiid geavaheami eará ordnemii;
- 2)Váttásmahtta luonddusuodjaleami ulbmiliidda beassama;
- 3)Váttásmahtta huksejuvvon birrasa suodjaleapmái guoski ulbmiliidda beassama;
- 4) Doalvu váikkuhusaid beales mearkkašahtti huksemii dahje muđuige dagaha mearkkašahtti vahátlaš biras- dahje eará váikkuhusaid.

Spiehkasteapmái galgá leat maiddái erenomáš sivva. "

Gielddaráđđehus

§ 114

26.05.2025

Áššemeannudeaddji

Gielddahoavda Päivi Kontio

Mearrádusevttohus

Mearriduvvo, ahte spiehkastatlohpi miedihuvvo giddodahkii čuovvovaš eavttuiguin:

Huksensadji vuodđuduvvo 3 000 m² viidodahkii sajádatbáikki gárta mielde (geahča čuvvosiid). Huksensadjái boahťa dušše 44-geardenjealjehasa sturrosaš ássanviessu ja 10 geardenjealjehasa sturrosaš ráđju, ja maid maŋnelis huksema várás 16-geardenjealjehasa ovddas dálloallovisti/suodji. Bázahusčázit galget mannat táŋkii (mas lea automáhtalaš "badjelšávahat alárbmassignálain"). Huksensajis ii leat vuoigatvuohta eará visttiide

Huksensaji lagamus rávdda/čiega gaska Anárjogageainnu gaskasárgái galgá leat unnimustá 35 mehtera, ja dan gaskkas lea meahcci. Ássanvistti gaska Anárjogageainnu gaskasárgás galgá leat unnimustá 55 mehtera. Huksejuvvon viidodat oačču leat eanemustá 3 000 m². Giddodahkii johtin ordnejuvvo válmmaš priváhtageainnu-, Karigasjoentie geaidnoláktaga bokte-, sajadatbáikki gárta mielde.

Riikkaviidosaččat mávssolaš bieggagearddi ja mávssolaš buolžaguovllu galgá goittotge vuhtiiváldit huksenprošeavtta plánemis ja ollašuhttimis nu, ahte ieš visti ja dasa boahtti johtinoktavuođat heivejit duovdagii nu bures go vejolaš. Iige huksensajis galgga dahkat hápmašuvvama geologalaš árvvuide mearkkašahtti láhkai váikkuheaddji doaimmaid, dego stuorra eanačuohppamiid."

Ákkat spiehkasteapmái:

1. Huksensadji/guovlu ii dagat hehttehusa lávvii, láva ollašuhttimii dahje eatnamiid geavaheami eará ordnemii; Huksensaji guovllu guovtte "beallái" báhcá M-1 guovlu.

Ovddabealde namuhuvvon huksensadji lea duovdagiid ja eanadaga beales seammasullasaš go ránnjágiddodagaid AO- ja RA-1 tonttet. Huksensadji boahťa AO- tontte báldii. Huksensadji hábme ránnjágiddodagaid AO ja RA-1 (2-huksensaji) tonttiiguin "tontejoavkku". Giddodat lea láva mielde gáddeguovllus, mii ii leat áibbas čázádaga guoras. Giddodat ii leat gáttis ja čázádaga ja giddodaga gaskkas lea Anárjogageaidnu /ránnjágiddodat

2. Huksensadji ii váttásmahte luonddusuodjalanlága ulbmiliidda beassama. EJB-guovddáža cealkámuša mielde huksen ii hedjonahte guovllu daid suodjalanárvvuid, maid vuodul duovddaguovlu lea klassifiserejuvvon riikkaviidosaččat mávssolaš čuoáhahkan.

3. Huksensadji ii váttásmahte huksejuvvon birrasa suodjaleapmái guoski ulbmiliidda beassama.

4. Huksen ii doalvvo váikkuhusaid beales mearkkašahtti huksemii

Gielddaráđdehus

§ 114

26.05.2025

dahje muđuige ii dagat mearkkašahti vahátlaš biras- dahje eará váikkuhusaid. Ássanvisti ii leat stuoris ja huksensaji guovlu lea fámoláš huksenortnega mielde sajádatlávvguovllu olggobeallái čujuhuvvon huksensaji uhcihus sturrodaga mielde (3 000 m²), goas birasváikkuhusat leat hui unnit. Huksensadji ii rievdat duovdaga mearkkašahti ollu go dán huksensadjái eai huksejuvvo šat eanet vistit.

Sivva spiehkasteapmái:

Giddodaga oamasteaddjit leat sápmelaččat, dán dáhpáhusas sáhtta ákkastallat MRL 43.2 mielde:

” mii doarju paragrafa 43.2 ollašuvvama: ”Almmá ahte oppalašláš easta huksenlobi sáhtta miedihit sáme kultuvrii gullevaš ealahusaiguin bargama dáfus dárbbaslaš dálldoallo- ja veahkevistiid huksemii nu, ahte ovttaskas vistti geardeviidodat gáddeavádagas lea eanemustá 40 m² ja gáddeavádaga olggobealde eanemustá 60 m².” Eanaeaiggáda mielde visttit bohtet Meahcásteami, guolásteami ja murjema atnui.

Huksensaji miediheapmi doarju Giddodatoamasteaddjiid ovtaveardásaš meannudeami gáibádusa dán Boares Gáregasnjárgga guovllus, dasgo omd. lávas lea AO- gáddetonttet 300 -geardenjealjehasa huksenvuoigatvuodain- sihke ollašuvvan-, ja huksekeahtes huksensajit -, áibbas čázádaga guoras.

Mearrádus

Evttohus dohkkehuvvui.

Nuppástusohcanráva guoská paragrafáid: § 90 § 91 § 92 § 93 § 96 § 97 § 99 § 100 § 101 § 102 § 103 § 104 § 105 § 106 § 107 § 108 § 109 § 110 § 111 § 112 § 113

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 94 § 95 § 98

NJULGENGÁIBÁDUSRÁVVAGAT

Mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdii mearrádus njuolga váikkuha (áššáiosolaš), ja lassii
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda girjenkantuvrii mearreáiggi maŋimuš beaivve ovdal girjenkantuvrra giddaneami.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža (7) beaivve geažes das, go mearrádusa guoskevaš beavdegirjeválddus lea sáddejuvvon Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte gieldda lahttu lea ožžon mearrádusas dieđu čieža beaivve geažes das, go beavdegirji lea leamaš oaidninláhka almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos vuigengáibádusáiggi maŋimuš beaivi lea bassebeaivi, iehčanasvuođabeaivi, válborebeaivi, juovla- dahje mihcamárruohtta dahje árgalávvardat, de vuigengáibádusa oažžu dahkat vuosttas árgabeaivve dan maŋŋá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga Ohcejoga gielddaráđdehus

Girjenkantuvrra oktavuohtadieđut

Boastačujuhush: PL 41, 99981 OHCEJOHKA
Uksačujuhush: Luossa 1 a 99980 Ohcejohka
E-boasta: kunnanvirasto@utsjoki.fi
Telefonnummir: +358 40 188 6111

Registrerenkantuvra lea rabas vuossárggas bearjadahkii dmu 9.00 - 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna lágiin mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusa sáhhtá addit diehtun elektrovnnalaš diehtun, de bivdit almmuhit oktavuohtadiehtun maiddái e-boastačujuhusa.

Beavdegirji

Mearrádusa guoskevaš beavdegirjji váldosiid ja mildosiid sáhhtá bivdit Ohcejoga gieldda girjenkantuvrras.

Beavdegirji lea 02.06.2025 dolvojuvvon oaidninláhkai almmolaš diehtofierbmái čujuhussii www.utsjoki.fi.

Nuppástusohcanráva guoská paragrafaid: § 114

VÁIDDAČUJUHUS

Dán mearrádussii ohccojuvvo nuppástus hálldahusváidagiin.

Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat gean váidinvuoigatvuođas lágas sierra mearriduvvo. Eiseváldi sáhttá ohcat nuppástusa maiddái váidimiin, jos dasa maid eiseváldi ohcá lea dárbu váidit almmolaš ovddu dihte.

Váidináigi

Váidaga galgá dahkat 30 beaivve geažes das, go lea ožžon mearrádusa diehtun.

Váidaga galgá doaimmahit váiddaeiseváldái maŋimustá váidináiggi maŋimuš beaivve ovdal, go váiddaeiseváldi doaimmahat giddejuvvo.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža (7) beaivve geažes das, go mearrádusa guoskevaš beavdegirjeválddus lea sáddejuvvon. Gehččojuvvo, ahte mearrádus lea boahtán eiseváldái diehtun goittotge dan beaivve go reivve lea boahtán.

Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Diehtunoažžunbeaivi ii rehkenastojuvvo váidináigái. Jos váidináiggi maŋimuš beaivi lea bassebeaivi, iehčanasvuođabeaivi, válborbeaivi, juovla- dahje mihcamárruohtta dahje árgalávvardat, de váidaga oažžu dahkat vuosttas árgabeaivve dan maŋŋá.

Váiddaeiseváldi

Váidda dahkkojuvvo Davvi-Suoma hálldahusriektái

Boastačujuhus: PL 189 90 101 OULU
Uksačujuhus: Torikatu 34-40, Oulu
Telefonnummir: 029 564 2800
E-boasta: pohjois-suomi.hao@oikeus.fi

Váidaga sáhttá dahkat maid hálldahus- ja erenoamášduopmostuoluid áššedikšunbálvalusas čujuhusas <https://asiointi2.oikeus.fi/hallintotuomioistuimet>

Váidaga hápmi ja sisdoallu

Váidaga galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (váidinvuloš mearrádus);
- 2) man dáfus mearrádussii ohcá nuppástusa ja maid nuppástusaid dasa gáibida (gáibádusat);
- 3) gáibádusaid vuodustusat;
- 4) masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtadieđuid. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddái su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálldahusduopmostullui farggamusat.

Váidagis galgá almmuhit maiddái dan boastačujuhusa ja vejolaš eará čujuhusa, masa riektegeavvama áššegirjjiid sáhtta sáddet (proseassačujuhusa). Jos váidi lea almmuhan eambbo go ovtta proseassačujuhusa, de hálldahusduopmostuollu sáhtta válljet, guđemuš almmuhuvvon čujuhussii dat doaimmaha riektegeavvama áššegirjjiid.

Váidagii galgá laktit:

- 1) váidinvuloš mearrádusa ja váiddačujuhusa;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eisevárdái.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahuvvo.

Beavdegirji

Mearrádusa guoskevaš beavdegirjji váldosiid ja mildosiid sáhttá bivdit Ohcejoga gieldda girjenkantuvrras.

Boastačujuhush: PL 41, 99981 OHCEJOHKA
Uksačujuhush: Luossa 1 a 99980 Ohcejohka
E-boasta: kunnanvirasto@utsjoki.fi
Telefonnummir: 040 188 6111

Registrerenkantuvra lea rabas vuossárggas bearjadahkii dmu
9.00 - 15.00.

Beavdegirji lea 02.06.2025 dolvojuvvon oaidninláhkai almmolaš
diehtofierbmái čujuhussii www.utsjoki.fi.